

**Хол Востокд США-н зерт-зевтэ дэврэгч үүлдвр келгн төвкнүн баялгнд аамшг үзүлджанэ**

Китдин ковад — Тайванэ хоолд болджах йовдур бука сарас нааран цуг орн нутгудин оли-амтсн халац шилтэ. Тер эргнд зерт-зевтэ ик чидлмүд багтл авчкэд, Соединени Штатс ээлдж авен Китдин Тайванэ гидг арлар болн чанкайшистрин буладж авен Китдин кован армудар түшг кегбад, америкиг залгч улс Китдин Оли-амтнэ Республикин өмнэс даанэ зад татад баяцхана. Сентябрьн 25-д Нью-Йоркд босдж келсн үгдэн, США-н государственн сеглэтр Даллес, кемрджэн Китд улс кезанэ-кезанэс нааран эврэннь болдж баасн Тайванэ хоолд баасн армудиг чанкайшистрин бандсн сулдхк бийнннь зован күцэхэр зөрсн цагт. Китдин өмнэс да бсххари илэр аялгьджанэ.

Болв зерт-зевтэ өзднэ дэврэчирин сүрдэмдж, тедниг бийсннь олз уга баядлур түлкдж орулджана. Китдин туст кеджэх США-н даанэ зад татлгэна политикиг. Соединени Штатсда даанэ баглранд орлицджах орн-нутгудас кенч чигн дөннджэхш. Хэрнэ нам, тер зад татлгнйг бурушагч дуд делгү алыдас болв чигн соньсгдад баанэ. Улгүрнэ, Англэд, Хол Востокд США-н бэрджэх политикиг лейбористирин парть баятхэ, нам консерваторин члед хаджгьр гидж бурушаджана. Эн политикиг нам кесг американцирин бийсннь гаялджанэ. Тнигэд, сенатормуд, Кларк болн Хэмфи барлсн герчлггндэн. Хол Востокд США-н правительствин кеджэх үүлдвриг «тоолвр уга» гидж нерэдэд, Даллеси политик Соединени Штатсиг «дегд аргь уга баядл» тавджанэ гидж темдггдж келджэцхана.


Иигэд амтн цугьар дегд гаялджэх баядл, америкиг залгч улс, оли-амтнэ тоолвриг меклдж, Китдин өмнэс кеджэх зерт-зевтэ дэврлггн чик гидж таасулхар седж шин ааль гаргьджана. Цөөки цаг хооран, Варшавд, Китдин селвгэр, китайск-американск күүндвр эклв. Кемрджэн США Китдин дотр-дундин политикд орлцшго чик бэрц бэрсн болхла. Хол Востокин баядлгиг диглхд тер күүндврмүд туста нилчэн хальдах баасн. Болв тер тнигджэхми уга. Варшавск күүндвриг США, эврэннь кеджэх зерт-зевтэ дэврлггн төвкнүнэ төлэ кеджэх хаацар хеерүлхэр олзлхар седжжанэ.

Терүна төлэ теди Тайванэ хоолни районд «халдаг зогсахми» гих нертэ селвг тавб. талданар келхд, Китд тер районд эврэ бийсннй армудан сулдхкин төлэ үүлдвр келгн уурулхиг некагн болджана. Онгданар келхд, пекинск Синьхуа агентствин темдггдж келсэр болхла, «халдаг зогсахми» гисн американск селвг — «чанкайшистрин сүүриг батлггнур залгдджана, США Китдин газриг ээлггнйг улм өргджүлхд туста таал учрагьад, даанэ белдлгнйг улм күчлүлхми».

Америкин халх, йосар болхла, Варшавд болджах күүндвр и г уурахар гүджджэнэ. США-н государственн департаментин тоолврар болхла. эн. Китдт му нер өгэд, Тайванэ хоолд болджах аамшгиг төвкнүнэр хагьлшгогьар седжэнэ гих нер түүнд өгэд, Соединени Штатс болхла — «төвкнүнэр төр хагьлхар ноолдчир» болджана гих нер зүүлгьх аргь өгхми.

Болв американск империалистрин ааль — китд оли-амтнэ боли төвкнүнд дурта цуг оли-амтнэ нүднэс дальтрсн уга. Китдин газадин кергүүлин министр Чэнь И одахн келсэр болхла, Тайванэ хоолд болджах баядлгиг төвкнүнэр хагьлхин төлэ, амтн түрүн болдж, тендэс америкин зерт-зевтэ чидлмүдиг авч гарх кергтэ, «халда зогсахми» гисннь кергтэ юмн биш, юнъгад гихлэ, тер районд ода учрджэх аамшгтэ баядл америкин цергүд тенд баяджэхин уршг болджана.

Китд чик, төвкнүн бэрцтэ баяхнэ ил медгдджанэ. Төвкнүн баялгь хадгьлггэна сэхаяхин төлэд, США Китдин дотр-дундин төрт орлицган уурч, Тайванэ хоолас эврэннь зерт-зевтэ чидлэн авч гарх зөвтэ.



Болгарин Оли-амтнэ Республик Василий Коларовин нертэ Софийск заводт.

ЗУРГТ: „Пасарел“ гидг электростанцин төлэ кегдсн трансформаториг электромонтажникүд хадлджанэ.

**Французмуд республикин төлэ ноолдагьан кегьа**

Сентябрин 28-д Франц кегдсн референдум, правительств диглдж гаргьсн шин конституцин проектиг батлггьар төгсв: проектн төлэ өгсн дууна тонь проектиг бурушадж өгсн дуудас даву ик оли болв. Шин конституцар халагдсн государствени органс Франц дарук дөрвн сарин туршарт бүрдэгдхми. Амр үгнэ, но-таблейсин (йосн тавсн суньгьачирин) хург болад, долан джилэ болзгар президент суньгьгдхми, тегэд президент правительствин толгьачиг болн министрмүдиг заадж тавхми. Бас хойр палатта парламент гаргьгдхми, терүнд зуг дора палатнэ — национальн хургнэ — цуг олна ду өглггьар суньгьгдхми, деерк палатинэ — сенатин — департаментсн боли колонийсн элчнрэс йосн тавдг болхми. Йосна шин органс бүрдэгдджэх цагт Францин правительств амтн ик өргн, йосар болхла, диктаторск зөв эдлхми.

Минь эднэснэ чигн — шин конституц Франц энүнэ тууджд амтн багь буржуазидемократическ сулдхвр өгхнэ үзгдджанэ. Ягьад французмуд нургьлдж тним конституцин төлэ дуугьан өгв? Эн сурврт хэрү өгч, францин коммунистическ газет «Юманите» нигдж бичджанэ: «Зугл демагогсн боли салвлачирин эв-аргнйг негдүлдж авсна дөнъгар» шин конституциг татгч улс диилвр күцдж чадв. Йосиг гартан бэрчкэд, миллиардермүдэр цуг халхасн түшг авад, теди Францин зарм улсинь теди меклэд, төбрүлдж чадв. Социалистическ партин барун зах татгч гардачир Ги Молле толгьачтагьар, үнндэн болхла, Франц диктаторск дигдара тогтахин төлэ гүджджэд, Францин күч-көлсчириг хагьцулдж салвлдж урвлгь кегьад, теднд бас дөнэ болв.

Шин конституц — Франц онц күүнэ диктатурт, фашизмд хаалгь секджанэ. Терүг заадж, Францин коммунистическ парть орн-нутгн демократическ чидлмүдиг цугтнэ, республикиг харелгэна туг дор хамцхми гидж дуудджана. «Кемрджэн республиканцир, сулдхврин умш болгнйг харссн цагт, кемрджэн теди түдвр угагьар, эврэннь ницэгьан, эврэннь саглврэн батхла, теди фашизмн хаалгьинь бөглдж чадхми» — гидж «Юманите» газет бичджанэ.